

書炎以來
野乘記

建炎以來朝野雜記

著者：(宋)李心傳

出版者：江蘇廣陵古籍刻印社

印刷者：揚州市古籍書店

定價：玉扣紙本七十元

出版時間：一九八一年九月

統一書號：一一一。。(古)。四

建炎以來朝野雜記卷十八

甲集

宋李心傳撰

兵馬

戎器
舟車

三衙廢復

國朝舊制殿前侍衛馬步三衙禁旅合十餘萬人宣和閒僅存三萬而已京城之破多死於敵建炎元年秋騎帥郭仲荀自東京部禁旅至南京已而還爲副留守三年秋仲荀以虜逼京城糧儲告竭遂率餘兵赴行在其冬上將航海避狄而衛士張寶等不欲行因呂元直入朝率眾圍之出語不遜上怒誅十七人於明州市除行門外盡廢其班明年春上至台州兵衛寡弱惟中軍統制官辛永宗有眾數千而呂元直之

親軍將姚瑞眾獨盛上皆優遇之四月上還會稽乃選中軍

五百人入直殿巖悉烏合之眾時趙元鎮初秉政因爲上言

祖宗於兵政最爲留意今諸將各總重兵不隸三衙則兵政

已壞獨衛兵髣髴舊制亦埽蕩不存是因噎而廢食也上悟

尋復舊制然衛兵不滿三千識者病其單弱數以爲言紹興

二年秋詔三衙措置已而上謂輔臣曰一衛士所給可贍三

四兵朕命楊沂中治神武中軍此皆宿衛兵也遂命沂中兼

提舉宿衛親兵五年冬廢神武中軍隸殿前司以沂中主管

殿前司公事

十二月庚子

又以都督府兵分隸三衙

是月庚戌

七年夏

復合馬司餘軍及八字軍爲六軍十二將命劉信叔主之

四月

丙申而解承宣

潛

典步軍如故自是三衙始復

八字軍

八字軍者河北土人也建炎初王觀察

彥

爲河北制置使聚

兵太行山皆涅其面曰誓殺金賊不負趙王故號八字軍二年冬十月癸亥上命御營統制范瓊往山東擊敵瓊請彥與俱已而彥以疾留其州瓊遂并將其兵而去三年秋七月丁亥瓊誅復以其兵還彥時彥爲御營統制也後十三日張忠獻以宣撫處置使發行在上命彥將八字軍隨之公至蜀以彥守金州紹興三年春撒離喝入戰彥兵大敗遂走達州四年移知襄陽府六年五月己卯召爲行營前護副軍都統制以所部八字軍萬人赴行在時解承宣

潛

典馬軍司事與彥

不叶兩軍之士交鬪於通衢中外洶洶七年正月張忠獻公

獨相乃用胡丞相給事言兩罷之而以劉信叔領馬軍司事併王解兩軍屬之十年春二月癸丑以信叔爲東京副留守將八字軍以行其年六月大敗金兵於順昌十一年三月復還姑孰七月信叔罷爲荆南帥其眾復還臨安今侍衛馬軍皆其子孫也

御前諸軍

御營五軍
五護軍

御前諸軍者本高宗所收諸將部曲也祖宗以來者內外諸軍惟廂禁二色而已禁軍皆隸三衙而更戍於外廂軍者所在有之以守臣節制若禁軍在邊上則文臣爲經略使者統之武臣但爲總管熙寧閒內外禁旅合五十九萬人神宗將有事於四夷乃置百三十將其法甚備崇觀後朝廷取其闕

額之數以上供故闕而不補者幾半軍興以來所存無幾上在元帥府始招潰卒羣盜以爲五軍後又得王淵楊惟忠等河北之兵建炎元年五月以爲御營五軍然猶未大盛也三年四月又更置御前五軍而劉光世所領西兵則謂之巡衛軍在五軍之外是歲又改爲神武五軍紹興元年十二月又改爲行營四護軍張俊稱前軍韓世忠稱後軍岳飛稱左軍劉光世稱右軍併楊沂中中軍入殿前司而吳玠軍如故也七年八月光世軍叛降僞齊於是川陝軍更以右護軍爲號十一年四月三宣撫司罷乃改其部曲稱某州駐紮御前諸軍十八年川陝軍亦如之其軍皆不隸三衙由是御前軍又在禁軍之外矣御前軍者雖帥臣不可得而節制得自達於

朝廷今禁兵但供廝役大抵如昔之廂軍將官雖存亦無職事但以爲武臣差遣而已愚謂不若併禁軍於廂籍而改御前軍爲禁軍所在以帥臣節制之而都統制之官爲之副貳庶幾兵民權出於一而緩急可以責成則合祖宗制兵之意矣

三衙勦軍本末

三衙諸軍殿前司則本辛永宗中軍部曲而益以它軍也馬軍司則本王彥部曲而益以解潛劉錡田晟之軍也步軍司則本顏漸部曲而益以它軍也自紹興五年置七軍規摹始定然馬步二司不能敵殿司之半故楊存中權勢獨盛乾道七年春虞忠肅爲相移騎軍屯於建康以爲出師之漸號馬

軍行司論者不以爲然上下重遷迄不能正也

紹興內外大軍數

紹興初內外大軍凡十九萬四千餘而川陝不與宿衛神武

右軍中軍七萬二千八百

張浚將右軍
楊沂中中軍

江東劉光世淮東韓

世忠湖北岳飛湖南王玠四軍十二萬一千六百是年冬併

神武中軍隸殿前司而右軍如故五年春王玠罷遂以其軍

萬五千人隸韓世忠七年秋劉光世之兵降僞齊其將王德

以所部八千人歸張俊由是三衙外但有韓張岳三軍今鎮

江大軍韓氏部曲也建康大軍張氏部曲也鄂州大軍岳氏

部曲也惟荆南江池皆紹興末新創荆南則劉信叔所招效

用而頗以鄂軍益之江池軍則三衙之疲弱者而江州一軍

又雜以江西茶盜近歲皇甫倜爲帥始訓齊之故東南惟以潤昇鄂三軍爲根本

乾道內外大軍數

乾道三衙江上四川大軍新額總四十一萬八千人殿前司

七萬三千人

乾道元年七月十三日降旨

馬軍司三萬人

乾道二年正月二十六日詔以

二萬八千人爲額六年正月十五日李舜舉乞增二千人從之

步兵軍司二萬一千人

乾道二年正月

二十六日降旨

建康都統司五萬人池州都統司一萬二千人

並乾道二年

年二月二日因淮東總領楊俊申請降旨

鎮江府都統司四萬七千人

乾道二年十月十一日降

旨

江州都統司一萬人

乾道四年十一月四日苗定乞排置軍將之額

楚州武鋒

軍一萬一千人

乾道九年四月十五日因郭鈞陳乞招填降旨

平江府許浦水軍七

千人

乾道二年十月十三日降旨

鄂州都統司四萬九千人

乾道二年十月九日降旨

後又增至五萬二千人

荆南都統司二萬人

乾道二年十一月四日降旨

興州都統

司六萬人興元都統司一萬七千人金州都統司一萬一千

人

並乾道三年正月二十四日降旨

其後諸軍增損不常然大都通不減四

十餘萬合錢糧衣賜約二百緡可養一兵是歲費錢已八千

萬緡宜民力之困矣

潭熙甲辰周益公在樞筦以荆鄂二帥勢均力敵首尾觀望乃合爲一司鄂爲

正荆爲

副焉

關外軍馬錢糧數

興州興元府金州三都統司兵本曲端吳玠關師古之徒關

西部曲也端死師古繼叛其部曲皆爲玠所有王庶劉子羽

繼在興元招召流散粗成軍伍子羽罷玠并將之其後盧立

之爲宣副尙有兵三萬餘立之死亦爲玠所併合是三者爲

兵共七萬人玠死胡丞公命其弟璘以二萬人守興州楊政以二萬人守興元郭浩以八千人守金州而玠之中部選鋒二萬人分屯仙人關裏外其後璘又得之故三大將之兵惟興州徧重者此也自休兵後三大將之兵就糧分屯十七郡興成階鳳文龍利閬金洋縣房西和州太安軍興元隆慶潼州府至乾道末有名籍者凡九

萬七千三百三十八人馬一萬三千一百四十二匹都統制

至準備將共二百八十人歲用錢一千七十八萬七千一百

二十四緡

通羅糧爲緡凡二千三百八十五萬有奇

帛羅絹綾綢布六十一萬八千七

百七十匹糧一百五十八萬七千六百七十三斛八斗料二

十五萬一千一百四十斛

此漳熙中數

四川廂禁民兵數

成都飛山軍威強將兵

四川廂軍二萬九百七十二人禁軍二萬七千九百九十二

人土兵一千八百三十六人

已上係官軍

義士二萬六百五十二

人

興元府與洋州大安軍

保勝

金

忠勝

文

忠勇軍

階成西和鳳

弓箭手

西和階

良家子共六千三百九十九人

已上係民兵

保甲五萬五千一百

七十人

關外四州

凡民兵優卹之制義士忠勝軍免家業錢一百

五十千至二百千止

一家雙名則更免五十千

忠勇軍則階州免家業錢

馬軍二百三十千步軍一百七十千

成州免稅賦

馬軍二頃半步軍二頃

西和鳳州皆免

租馬軍六石九斗八升步軍五石三斗六升

其更戍則月給糧人七斗有半

惟忠勇軍

更戍保勝軍亦免家業

自千至三千止

弓箭手則給官田

馬軍二頃半步軍二

此其大較也大率四蜀大軍廂禁軍民兵保甲總二十三

萬三百六十四人仰給縣官者十四萬餘人而民兵保甲不

仰給者八萬餘人此乾道之籍也淳熙以後土丁亦有仰給

者別出於後

成都禁軍謂之飛山軍驕懦最甚紹興末王時亨爲制帥取會四川禁軍之籍二萬九千餘人

除利夔兩路禁軍分戍沿邊城塞外東西路一萬九千餘人內

此四千人往仙人關捍禦

三十二年秋也事平復罷

利路義士

忠義人

利路義士者紹興初王敏節

庶

爲興元帥以富平之後兵卒

單寡乃籍興元諸縣良家子弟號曰義士以縣令爲軍正而

尉副之守臣提舉每丁免家業三百緡合梁洋大安郡至萬

三千餘人軍勢大振紹興二十一年洋守宋莘者建言義士

所免家業皆均在不充義士之家科役偏重秦檜方守和議

罷之二十八年大將姚仲奏復行於梁洋大安巴蓬五郡得

二萬一千餘人三十一年散關之戰驅之使在官軍之前其人勇健善戰亦屢有功明年段彥攻原姚仲攻鞏州皆擁正軍被重甲以自衛獨驅義士衣褚先登爲敵人所拒殲焉僅存六千餘人乾道元年宣撫使吳玠以巴蓬義士怯弱除其籍言者以義士勞役明年併梁洋大安三郡罷之大將王權乞存留不聽三年虞忠肅爲宣撫使復籍三郡之丁得二萬三千九百餘人結成隊伍因參酌陝西弓箭手之舊爲義士專法一百四十二條來上詔頒行之其制今存然邊民之勇悍者或無常產又自名爲忠義人多以販解鹽爲生嘯聚邊境勢出義士之上乾道七年夏王能甫爲吏部侍郎奏乞量加優卹然後嚴行禁止事下宣撫司然無益也今忠義人關

外四州爲尤盛

之奇奏以七年四月十二日丙寅下

興元良家子

忠義效用
中軍敢勇

紹興良家子者紹興四年吳玠爲宣撫副使時所勑也其始招兩河關陝流寓及陣亡兵將子弟驍勇雄健不能自存者爲之月給比強弓手五十人爲一隊帥守郭浩楊政並以備中軍使喚休兵後其數寢微乾道六年王能甫爲帥始復招之凡人材及五尺二寸弓力及九斗通百將傳習將條練弓馬者迺選有官人省司月給米麥各一石帥司緡錢十五千無官人緡錢減三之一依義士法專隸安撫司御前統兵官不得預能甫召去王公明以宣撫使治興元以爲良家子舊屬帳前抽還宣撫使淳熙初宣撫司廢復歸安撫司其籍可

二百人歲費錢二萬四千緡米麥四千八百石而實無可用

但爲安撫使執牙旗從物而已安撫司財賦迫急乃奏與都

統司中分清酒務之息以贍之然酒息錢實備它用又私置

鹽店六所及收諸津渡鹽稅以給焉紹熙末楊嗣勳申嚴鹽

法奏言本府自有義士廂軍良家子無所損益乞罷鹽店而

以良家子隸都統司從之

五年二月八月庚子降旨

紹興末虞井甫爲川

陝宣諭使又嘗於襄陽招來汝蔡唐鄧之人爲御前忠義效

用

三十二年三月十六日壬子降旨

得二百八十餘人吳璘爲四川宣撫使

以德順連兵官軍寡弱又取御筆於關外四州簽丁不以主

客戶每三丁以上取一五丁以上取二並刺充御前中軍勇

敢

三十二年十二月十三日乙巳施行

令下人皆驚擾會有詔棄德順遂罷之